

起夕陽曛巍々宮殿深嵐裏松腹猶存蝌蚪文

觀孟門

陳于王

孤峯獨立是何年想鑿雲根剩隻拳南接龍門千古氣西牽壺口一絲天晴嵐飲日當波出怒水呼風抱浪眠非是無緣人不到此中祇可息飛仙

觀壺口

陳于王

黃河之水自天來天使鴻濛命禹開壺內魚龍隨勢入沙邊鸞鶴聽濤迴山分秦晉常婚嫁浪疊雲霞任剪裁我欲乘槎探星宿登臨長肅幾徘徊

壺口賦

知州黃光燦

維茲壺口載在禹謨長河自北而南中分春音之區
因其形以而名之恍疊甕之乍收上寬中狹自高
而下峻若建瓴駛如奔馬洪波急濺驚濤怒瀉融
之若雷電之鳴望之若虹霓之射爾岸環山河底
維石氣常陰沍寒早煥遲每至仲冬之交河水生
結既堅且厚人畜重任往來無阻屢歲有秦寇之
搶攘恒綠兵堅而窈渡致動王師之戍守煩
憲臺之節駐咸碁列而星羅亦雲屯而雨聚兵集糧

從飛輓輸動宜及朱而備之於預子守茲出芻餉
是司無事而非必節之事無時而非戒懼之時時
維季秋之月當堅冰而慮之適奉

上檄嚴飭河防至止其處上下徬徨相其原隰度甘
夕陽孰可棲萬灶之烟孰可容千騎之塲孰可據
險而設伏孰可出奇而抱吭器械畢其墩堡列行
寧先相而等畫勿當境而惆悵爰私河伯克祀吉
歆牲帛既其酒醴斯馨時秋深而風冽仰天高而
氣清驚馮夷之怒號計龍馭之疾奔日光掩映

為色石子相激而成聲噴薄分若珠璣之綴舞璫
璨兮若絲纓之雜陳念昔為商於之担金合反芒
天塹之重関豈隨刊之明德既邈抑氣運之否劇
使然願彼冠氛之珍滅復我禹甸之又安

碑記

修學記

王廷傑進士

晉吉庠之建迭勝東郊歷代久風雨飄搖兼之兵燹
殘毀失故過者興嗟東冀于公來守茲鄉顧瞻亡
貌惘然于中會

詔下大修天下郡縣學 公毅然曰獲我心矣遂准

紳士虞陳諸君而謀之諏日度村鳩工 事 公

自捐貲五百金士民謂弗獲已者莫敢後焉工始

請余一言以記之余何敢以不敏謝為之拜手賜

言曰藉宋仍五代兵革之後開基四世逾六十餘

年而海內之庠序十不與一真宗初即位乃曰以

縣七子滿伯始得立學不及額者詳立孔子廟以

已故宋之名大夫廟有記建學有記而修學之始

六聞焉由明至今廟為主而學輔之其制度視之

加等而人才少遜子前何哉良以士風日下器識
不足則聰明皆為浮氣所驅即司教化者謁廟而
不登堂登堂而不橫講席排列噉呵疾趨以出誰
肯徘徊歎息子廊廡闕廟之間是以人才不興學
修無日也 公之守吉有經術有擔當待糾士皆
有恩禮故茲之舉衆既同心紀綱 公猶時加省
視不遑寧處計時凡九閱月計金共七百有奇自
正殿兩廡戟門櫺星門啟聖祠名宦鄉賢祠明倫堂
遜志敬業齋以泊禮門牌坊諸屏牆宜易者易宜

舫者舫無不畢舉而公之心猶未艾也更欲建魁閣立社壇集諸博士弟子員肄習其中而後即安夫吉文献邦也科第輩出名賢接踵今學官復新具有公以教育之而學士共勉于興行安知不步武元魁如先哲之諫垣兵憲其人者乎故爰筆記之以徵信于永永

重修晉女公祠記

陳維藩進士

錦屏山州治前崇山也其巔有晉文公祠三楹創建於宣德己卯迄今歲遠傾圯殊甚人亦莫之致敦

焉嘉靖寸酉吉州幕李公視其傾圯殆不可以旦
先君而面州治甚也慨然以聿新為念剔木之腐
者繳之除陶之敗者堅之更棖易簀鏤壁甃唐但
然改觀工未幾而就績民弗知勞官弗知費州以
題之秋八月丁未朔越七日癸丑落于祠下請公
記歲月於石余維春秋時獻公之子九人遭驪姬
之禍城蒲以處重耳城屈以處夷吾是蒲乃文公
之舊邑此屈地也則惠公之舊邑今蒲有翠屏山
以祠文公是矣屈亦有焉想先民立祠之意正以

文公爲姬姓伯主王室賴之講信修睦于諸侯甘
子孫主盟中國者百五十餘年威靈氣焰照耀
奕百世之後人皆稱仰故祠不止于蒲而屈亦
也雖譎正之論出於孔子然合諸侯尊周室號
天下使東遷之後非此艱難備堂之君如天不
其祠祀又宜也况冀雍以北題接羗鄙祠多
此祠以故君之名祀之可見弗淫與諂矣建
于臺山之上以對州治則可見高山景行之
情使生於一者郎之而不敢忘官茲土者遵
景行而不敢加

皆可嘉也自余歸隱築室錦屏之麓時步公祠
大光萬里雲鳥于舌春花如繡秋葉烘丹亦山
之一適也不可不記是日俎豆既設賓主咸集
皆義李公之舉稱觴爲壽遂悉其始末云公
字希龍山東即墨人有經畫而能幹理者也
碑記

州守魏公去思碑記

總制軍門鄭崇

夫自召伯南行其棠致味峴山墮淚河武興思此
聲華允大以光照史冊而艷人聽聞者矣乃其

不數、見者豈民愬然哉政以感民者不本之備
意即稱有德而占、焉小用其術故其政不足
繫人之思雖思之而不能垂之悠久而勿替也此
魏公之德施于民者異是公于萬曆乙未秋東之
吉越四載癸亥晉陝西鞏昌二府壽理耳肅屯
府事屈行之日士民愬、不忍去僉謀代合樹
用寄思慕其縉紳士民請記于余余固炙公範
心所景響者烏容辭乃報然曰人不見人心之
公哉不見人心之思木於德感者哉公之治吉

黃正持已平易近民以實心而行實耿乃任怨以
任勞凡民之疾苦痛痒視之若自己出以修武備
則時簡閱俾之有勇而知方以重文教則崇學校
俾之興行而向善以審徭役則洞察貧富陞擢
當俾民無不均之嘆以講鄉約則甄別善惡勸懲
不矣俾民有知耻之心以肅官常讞訟獄則奸宄
剔而夾治興而苞苴不行案牘無滯俾之弊剔而
風清身先淡泊懲浮靡也巡行奸埜清境氛也嚴
謹城池慎防禦也以至鋤元兇而使之我臧供備

吉州志
而亦之儉裁尖必親而奸胥袖乎請托不行而惠
右屏跡諸凡起樊維風抓地理沓者靡一不淪公
于氏心故民之感之者熙々然就之如日月望之
如雲霓畏服之如神明而不能斯湏之或忘也豈
私公哉他日晉公而廟堂秉樞執要履庇天下之
固知天下之人心即郡邑也其思慕者寧有涯公
耶余愧無出城之見不足以發公之德與民之心
以思德者惟耳咏峴思或者其庶幾乎

吉州城隍祠宿齋故址碑記

知州南鴻

凡省會郡邑之城隍祠旁必附一爲新官

蒞任之所寓繇來矣余知是州下車謁廟竟

是齋惟廟西有空地一區計三畝許黍離而來
焉余疑州治疊罹兵燹延及神祠或此齋傾塌
有廟祝因而耕闢爲香火之資耶斯時郎訊之
侃回云此地非廟有係鄉民楊姓之所植也及
之楊氏回云此地卯民有係問生員劉五美之
債也復訊之劉生回云此地素爲生有而宿齋
地未之前聞余亦不爲深求又一年餘矣孰知

神其有靈一日余行香畢散步廊廡觀古碑記至
外牆東見一石泥封令出之乃古碣也上書明
治六年春二月判官劉瀚吏目安恭學正李翹
仝勒記云陝右王侯彝自鄉舉進士歷解州同
以課最遷秩來知是州見廟貌圯頽設法修葺
于廟西所市之餘地作公廨三間翌以兩廂為
官來蒞任之所寓前此未嘗有也等語如是則
西之地豈劉生之所有耶余隨集郡紳衿父老
劉生同閱是記紳衿父老會然但此地在

康熙十二年歲次癸丑中秋吉
儒學廩膳生員曹執衡謹撰

吉州誌叙終